

PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG

24 MAC 2019

AHAD



AKHBAR

TAJUK BERITA

M/S

BERITA HARIAN

BINA SEGERA HOSPITAL PASIR GUDANG JOHOR : SULTAN JOHOR

2



BERITA HARIAN

24 Mac 2019 BH-AHAD

(FOTO IHSAN ROYAL PRESS OFFICE)

24/3/2019
BH - Khad.

Sultan Ibrahim dan Permaisuri Johor, Raja Zarith Sofiah Sultan Idris Shah, mengaminkan doa sempena Istiadat Sambutan Ulang Tahun Hari Keputeraan Rasmi Sultan Johor di Istana Besar, Johor Bahru, semalam.



Bina segera Hospital Pasir Gudang: Sultan Johor

➔ Sultan Ibrahim titah wujud keperluan selepas insiden pencemaran

Oleh Mohd Fahmi Mohd Yusof
mohdfahmi@bh.com.my

➔ Johor Bahru

Sultan Johor, Sultan Ibrahim Iskandar, bertitah wujud keperluan untuk membina sebuah hospital kerajaan di kawasan Pasir Gudang, susulan insiden pencemaran sisa kimia, baru-baru ini.

Baginda berharap kerajaan dapat menyegerakan pembinaan hospital itu.

"Saya dengar perkara ini sudah ada dalam perancangan kerajaan. Oleh itu, saya harap pembinaannya akan dapat segera dilaksanakan"

Sultan Ibrahim Iskandar,
Sultan Johor

menaik taraf kemudahan kesihatan, pengangkutan awam dan jaringan lebuh raya," titah baginda.

Baginda bertitah demikian pada Majlis Istiadat Sambutan Ulang Tahun Hari Keputeraan Rasmi Sultan Johor di Dewan Singgahsana Istana Besar, di sini, semalam.

Zahir dukacita

Sultan Ibrahim turut menzahirkan rasa dukacita dengan tindakan pihak tidak bertanggungjawab membuang sisa kimia dalam Sungai Kim Kim.

Bagi memastikan kejadian seperti itu tidak berulang, Sultan Johor bertitah supaya kerajaan segera melaksanakan tindakan kawalan dan penguatkuasaan bersepadu terhadap semua kilang yang menggunakan bahan kimia beracun.

"Mana-mana kilang yang gagal mematuhi peraturan pengurusan keselamatan dan alam sekitar hendaklah diarahkan tutup serta-merta.

"Bagi jangka panjang, saya mahu kerajaan mengkaji semula jenis industri di Pasir Gudang dengan menutup atau memindahkan industri gas dan bahan kimia mudah meletup serta membahayakan penduduk sekitarnya," titah baginda.

Sementara itu, isteri Tunku Mahkota Johor, Che' Puan Khaleeda Bustamam, mendahului senarai 186 pe-

nerima pingat dan darjah kebesaran sempena sambutan ulang tahun Hari Keputeraan Sultan Ibrahim.

Che' Puan Khaleeda menerima Darjah Kerabat Johor Yang Amat Dihormati Pangkat Pertama (DK I).

Turut mendahului senarai, suami Tunku Tun Aminah Maimunah Iskandariah Sultan Ibrahim, Dennis Muhammad Abdullah, diperkenan menerima Darjah Paduka Mahkota Johor Yang Amat Mulia Pangkat Kedua Dato' Paduka Mahkota Johor (DPMJ) membawa gelaran Datuk.

Yang Dipertua Jumaah Majlis Diraja Johor, Datuk Abdul Rahim Ramli, berkata seramai lima individu diperkenan menerima Darjah Sultan Ibrahim Johor Yang Amat Disanjung Pangkat Kedua Dato' Mulia Sultan Ibrahim Johor (DMIJ) yang turut membawa gelaran datuk.

Katanya, penerima DMIJ ialah Pengarah Jabatan Agama Islam Negeri Johor (JAINJ), Md Rofiki A Shamsudin dan Ketua Pegawai Eksekutif Kumpulan Prasarana Rakyat Johor (KPRJ), Mohd Noorazam Osman.

Turut menerima DMIJ ialah Ketua Pegawai Eksekutif Majlis Agama Islam Negeri Johor (MAIJN), Mohd Noh Ibrahim; Timbalan Setiausaha Kerajaan Johor (Pengurusan), Dr Badrul Hisham Kassim dan Setiausaha Sulit Sultan Johor, Jaba Mohd Noah.

